

京

山  
考

藝文六



第三十九册

濟南府志卷七十

藝文六

齊河

玉湄園賦

明許炎同安

騁余馬於東園兮遂旋折於城南里未及於四五兮騎僅戒夫二  
 三乘春氣之圓照兮覺和淖之初含雪方殘而留白兮河已泮而  
 澄藍夾樛樞而振策兮指名園以停驂鞠稚子之候門兮竦地主  
 而肅容歷浩劫以聚足兮穿芳徑而徐舄洞綺寮之芻開兮駭棟  
 振之交冪何燾冪以離樓兮嗷琴檠之金碧乍飄零其迷突兮席  
 藤薦之蕙蕙紛槎牙以挺幹兮偃從風而莅鑑柏垂珠而龍矯兮  
 檜迴翅而雁橫維連卷而芴荏兮見窶數與寄生木葭茂其于章


濟南府志

卷七十

藝文六

齊河賦

兮竹蒼苞其萬人叢思勞與求隄兮倒天帚而下掃雨滴楯而音  
 鏗兮風錚窗而韻過編松鬣以爲牆兮棟鬚織而網戶披髮蔓以  
 互糾兮椽孫枝而綻補既曲邃而迴環兮儼庸峭之列伍爭黃公  
 之鳥道兮聽定甲於森林工爵巢於木末兮結遼疇而好音雉何  
 爲兮翁隱鷗何爲兮語深固菴藹之多翳兮樂棲托於眾禽登臺  
 榭以肆望兮標粉堞之峻芟邈署禹之凌漢兮繡村落而烟集緊  
 泰岱之鬱律兮峰駢羅而若揖聳峭崿而獻翠兮或削踰而驟竭  
 俯漑漑之宛渾兮鑿池沼以承渠羣泳溯而唵喁兮物五色之神  
 魚若空遊而可數兮豎鬢鬣以當旗萃經營其信美兮酣久眺而  
 忘倦漱日鑄之乳花兮列薄持之玉麪傾鵝黃而卷波兮熊白擘  
 而饗燕酒膽豚而樂甚兮忽撫古而浩歎此祝阿之陳城兮實齊





粵之采壤維漢傑之淮陰兮晨飲馬於泱泱張錦幕以看花兮移  
纒管之臺傲昔人既已沒兮故墟不可想勝地荒爲荆榛兮華筵  
委於灌莽悟盛衰於黔雷兮知斯理之莫強奚若茲之名勝兮地  
不溢於數弓樹無枝而不蚪兮石靡架而不峰倘玉符之湄潛兮  
訪僧助之遺踪課朝晴於隴友兮彈夜月於道翁類抱膝於梁甫  
兮時叱咏而臨風

傷祝阿王明府

并序

唐臨海丞駱賓王義烏

夫心之悲矣非關春秋之氣聲之哀也豈移公石之音何則事  
感則萬緒興端情應則百憂交輔是以宣尼舊館流襟動激楚  
之悲孟嘗高臺承睫下聞琴之淚祝阿王明府毓德丹穴襲吉  
黃裳靈基峙金闕之峰層源漱玉輪之坂旣而鴻飛漸陸將騁

濟南府志

卷七十

藝文六

齊河賦

二

平與之龍鶴鳴在陰爰絆朝歌之驥乃當名縣關月德貫陳星  
豈徒遽切夢瓊掩沉連石嗟乎輪銷桂魂驪珠毀貝闕之前斗  
散紫氛龍劍沒延平之水某昔承嘉惠曲荷恩光留連嘯歌從  
容風月撫心陳迹泣血漣如然而始終者萬物之大歸生死者  
百年之常分雖則知理之可有而未曉情之可無聊綴短歌以  
貽同好諸君或締交三益列宰一同或叶契筌蹄投心膠漆如  
比肩於千里遽傷魂於九原旣切芝焚彌深蕙歎盍言四始同  
賦七哀庶蘭室流薰襲遺芳而化德故蓬心深拙效庸音於起  
子觸目多懷周憎流動

洛川直氣上重泉惠政融含章光後列繼武嗣前雄契與良難驗  
生涯忽易窮翔鳧猶在履狎雉尚馴童鏡滿荒階綠塵浮虛帳紅

夏餘將宿草秋近未驚蓬烟晦泉門夕日遠夜臺空誰堪孤隴外  
獨聽白楊風

齊河客舍喜李吧瞻自濟南枉過

國朝學使 施閏章 宣城

烈風吹荒野積雪成山阜故人從何來下馬執子手悲喜想慰藉  
造次命杯酒自出袖中詩感慨時時有麒麟觸網羅黃鐘殘瓦缶  
文士常軼軻命在敢不受觀君試多艱壯顏未衰醜忍性齊愛憎  
韜光冒瑕垢丈夫飽萬鍾何如擁二酉喟彼無根蓬東西各奔走  
登途發浩歌哀猿叫林藪

環青園卽景

國朝歲貢 趙瑞吉 邑人

三載別環青寤言深企嚮我今自遠歸聯袂同眺望而無城市喧  
頓覺乾坤曠霽日見南山峰巒千萬狀紅葉繚山村白雲似屏幃

濟南府志

卷七上

藝文六 齊河詩

三

水色秋澄滋兩岸漁舟唱宿鳥暮投林啞啞喬木上一嘯復一吟  
觸景幽情暢斗酒故人傾狂歌醉裏放征衣十斛塵茲遊能滌盪

齊河行與于鱗醉別作

明刑部尚書 王士貞 太倉

與君痛飲齊河頭齊河萬魚皆溯游十年再回日月照千古一散  
乾坤愁宵中雲夢各爭吐眼底邯鄲焉足求玉壺未缺如意怒葡  
萄欲乾鑿落憂我更起作鸚鵡舞那得不典鸚鵡裘醒時抗手城  
南路大路青蒼芥回互國風一示延州來春雪三周華不注吳  
鄭編各言好趙壁秦城總相慕路人問予言自疑沾沾者誰令人  
妬天下模楷李元禮江東獨步王文度

寄題齊河王氏園

國朝刑部尚書 王士正 新城

清濟來王屋東流繞祝阿閒園徬隈曲徑隱烟蘿野曠山谷合



亭空水事多當年會盟地今日有漁簑

齊河道中二首

國朝翰林院編修

汪琬堯峰

行客踰修嶺居人傷古原  
棗林桑泊地土屋板橋村  
千里戍烟斷五更馱鐸誼  
白頭歸計切雨雪敢停轅  
月黑雜纒唱肩輿爾許忙  
怒怒酬旅飯細細檢行裝  
久客諳長道衰年怯早霜  
淮喫知不遠極目興飛揚

晏城道中懷方蕉衫

國子監學政

田同之德州

故人牽夢寐空復數遙程  
寒柳藏鴉滿疎林落磬清  
峰迴灤源道雪霽晏公城  
此地會同轡茫茫千里情

大清橋

黃雯甫田

九達東齊道古橋喜復新  
凌空排雁齒蘸水動龍鱗  
策駟多題客

濟南府志

卷七十

藝文六

齊河詩

四

乘輿有濟人常懷君子政  
利往計通津

積翠園

王漢邑人

高人隱鹿砦池鑿小山阿  
水色映亭榭蓮香散薜蘿  
濯纓紅日近把釣白雲多  
欲領此中趣應須載酒過

青藤石室

邑歲貢 郝允秀 水村

斗室名青藤在彼陰崖下  
我欲枕石眠一夢過長夏

又一村

郝允秀

小村傍山根棗花落滿地  
俗駕望欲迴自有幽人至

開山旅店偶成

郝允秀

野花滿路馬蹄開濁酒粗  
茶亦破顏從此不嫌朝膳  
薄行廚日日

供青山

徒駭河早發

郝允秀

驅馬古徒駭河乾隄自雄八年勞帝力九派見神功地陷蛟龍窟沙連榆柳叢人家橋北是曉霧隱朦朧

客有詢濟南歷代詩人者作此答之

大隱金門十八年東方的的漢神仙誰知謫諫居朝日別有龍蛇

戒子篇東方朔詔 戒子篇東方朔詔 戒子篇東方朔詔

易卜傳來閱古今一生才望煥儒林更憐黑髮元占會自把高懷

入苦吟管徵君 入苦吟管徵君 入苦吟管徵君

名士由來五百年歷亭靈秀更誰先誦詩記得當時自磊落人間

員半千員平原 員半千員平原 員半千員平原

造物鍾靈非一時鵲湖山水古來奇拾遺未作東藩客早有崔郎

濟南府志

卷七十

藝文六

齊河詩

五

五字詩崔舍人融

伊人館外芙蓉露娘子灣頭楊柳春幾許蓬官吟不似風流偏屬

翠眉人李易安清照

稼軒樂府擅驚奇虎穴重探世共知不信雄才標四代僅存居易

一篇詩辛稼軒棄疾

七聘堂前月欲斜誰從冷淡寄生涯元詩讀過重重憶始信雲莊

有作家張文忠養浩

修成三史乞身還物外高踪未許攀誰向華峰存類葉至今文字

重青山張文穆起巖

中州何李竝登壇也許尚書共比有一夕祝融輕肆虐春風無路

問華泉邊尚書貢



崑瑤荆璞讓青道歷下聲華壓等流畱得千秋遺藁在不妨撼樹  
任蜉蝣 李觀察攀龍

芙蓉爲帶荔爲裳右史風姿邁大梁不爲吟壇先有主也應上客  
首鄒陽 許右史邦才

臨池屈指數前明誰與華亭竝著聲頻恨來禽邢太僕掩將韻語  
是書名 邢太僕侗

廣夫人人重念翁無離無着識宗風問他白傅稱詩後更許伊誰  
角兩雄 高念東珩

秋雨秋風黯峭華清詩兩代更誰誇華泉老去滄溟死只有新城  
是大家 王文簡士正

纖濃綺麗總荒唐別有司農花外香欲向陵州問消息秋園何處

濟南府志

卷七十一

藝文六

齊河詩

六

覓山薑

田山薑雲

色菊香蘭各自春馮家拈得一枝新自從秋谷談龍後爭識壺城  
老舍人 馮舍人廷槐

亂蟬斜日著書遲七字王郎知不知欲向狂瀾存砥柱不應輕擲  
草堂詩 王秋史萃

齊東

詠東山圖贈朱兩川兵憲

明大學士 李東陽 茶陵

綠波宛轉通林塘青崖半出高雲涼孤松十丈絕瀟灑幽鳥不鳴  
晴晝長我公自有東山墅亭午陰中不知暑白石青苔看奕碁殘  
陽忽下清江渚謝老風流天下聞我公所在無邊塵准淝事業等  
兒戲世事悠悠安可論

午日泛大清河

楊玉潤

天涯令節喜天中江上龍舟此日同誰向羅川懷屈子且從濟水  
泛羣公晚風習習青帆動落照茫茫碧漢空更是夜來新月上良  
霄佳景亦難逢

題張隱君

明吏部郎中 王象春 新城

濟南府志

卷七十

藝文六

齊東詩

七

分得清源湛碧流故多溫潤濯皇州酬恩不為存亡易遺教惟從  
孝弟求一夢鯨蛟先入兆千秋蘭桂後應稠個中俱是留貞德無  
用煩心落計籌

題三烈絕句

張成憲 邑人

秋高氣烈感餘哀一炬樓頭化作煨白骨如銀經百鍊丹心一點  
不成灰

又

王朝重 邑人

烈骨凌霜鐵作肝柏舟莫向等閒看祝融赤焰空千丈依舊水心  
萬古寒

贈王秋水

國朝諸生 朱汝韞 含輝

五岳期遊徧輕裝無宿費踏殘千里月歸剩一囊詩長揖公卿重



狂歌閩卷疑又聞東海去踪跡竟誰知

濟南府志

卷七十

藝文六  
齊東詩

八



濟南府志卷七十

濟陽

送邑令杜明府歸田

國朝處士 張爾岐 詩苑

芝蕙戀巖阿於香非不足移植庭廡間能無失性懼夫子三代士  
煌煌禮樂具偶爾試絃歌肯爲世網誤心清簿書閒惠風自扇布  
毀譽付自然五斗同逆旅薦剡有成格所懷久異趣一朝當去茲  
爬黎失所乳撰策凌清晨扳呼擁婦孺揮手一爲別遙指故山樹  
嗟我勞寸心願依北飛羽

謁蒼屏陳先生值其灌園欽歎高躅退而賦詩先生前朝明

經屢被徵名

張爾岐

擾擾當世士日夜幾能休夫子何獨爾意靜如懷秋散髮自灌園  
緬邈對平疇高柳拂清襟濯漱有寒流我來適見之下風依廳廡

濟南府志

卷七十

藝文六

濟陽詩

九

開顏獎弱植酌我餉餘甌慰我屢空懷訓言日夕周吾道有通塞  
此外更何求再拜識此意歸里柴車轡

東海篇贈方廣文

張爾岐

吾愛東海之恢奇片波吞山尺浪浮曠蛟龍出沒長鯨隨燠火翻  
空揚珠髭神山萬疊光參差金爲堂玉作基節幢煥煥靈風吹我  
不得到夢見之先生是何術收之於酒卮曾連辨雄甯戚歌苦酒  
進鬣張英文如虎妙筆霏清言縷縷我視其中風濤政怒

壬寅春訪元明先生張隱君歸賦

張爾岐

繡水雲湖間距城近十里爰有石隱人誅茆託於此我欲訪幽蹤  
披衣凌晨起徐步乘春風雲樹互迢邐道旁問耕夫云此草廬是  
榆柳翳柴扉竹石森堵圮斯須先生出白髮短覆耳骨超更神完



古意見冠被詢名各嗟訝入坐略諾唯烹茗發清言紛綸具元理  
夕陽在樹杪欲去情不已揮手尋歸塗蒼苔暝色裏

垂絲海棠

張爾岐

海棠臨堦側盡意作春妍綴枝千萬蕊蕊含新煙笑靨迎霞景  
旖旎生自然分明綺閣上錦幃列嬋娟嬋綠弱難持濃暈情愈姸  
粉澤互照耀朱袖紛聯延恣態旣各殊逐好如相先野人久寂寞  
感異多流連昨夜覺風和繁華滿樹顛默默念終始惜此一時鮮

贈張蒿菴昆季

國朝歲貢 王琢璞 連城

蓬蒿沒徑白雲深有客翻書日苦吟列几千函環帶草披裘五月  
芥遺金哺巢欲酒慈烏血填海空懸精衛心難弟高標堪競爽雙  
株玉樹滿庭陰

濟南府志

卷七十

藝文六

濟陽詩

十

乙卯夏日重過稷若先生書堂奉贈

崑山 顧炎武 亭林

緇帷白室靚風標爲歎斯人久寂寥濟水夏寒清見底石田春潤  
晚生苗長教六籍傳無絕能使羣言意自消竊喜得逢黃叔度頻  
過聽講不辭勞

聞張稷若訃

顧炎武

歷山東望正凄然忽報先生赴九泉寄去一書懸劍後貽來十襲  
絕韋前君有儀禮句讀  
十卷錄副畀余衡門月冷巢鴛室墓道風枯宿草田從此  
山東問三禮康成家法竟誰傳

雨霽

國朝刑部尚書 艾元徵 長人

一抹長林鎖淡烟蕭疎佳氣隱平田夜簷靜透波心月盡戶遙開  
水外天雲去山空晴淡漢風來鶴韻骨僊僊俗緣自信塵中靜不

學聲聞枯坐禪

旋里逢初度言懷

去年此日猶爲客初度今朝喜假還棋局每緣忙裏悞詩篇且付  
靜中刪樽開自社情偏適意到青山夢亦閒浪引蓬瀛何處是門  
前流水自潺湲

夏日諸公携酒過小園雅集

茅堂小築啟烟蘿佳客仍煩載酒過草木濃陰新綠潤軒窗清暑  
午風多水漿茗椀供揮麈玉局楸枰擬爛柯更愛廣庭明月好忘  
形醉影共婆娑

小園獨酌憶張汗漫

汗漫樓  
若別號

國朝諸生

金式玉

温其

開樽對籬圍綠蔭儻幽心花氣微通袂松風時動琴避人謀自得

濟南府志

卷七十

藝文六  
濟陽詩

七

采菊興仍深忽憶同心侶狂懷滿古今

宿山寺

國朝諸生

艾元彩

文子

一路無人迹夕陽沈遠峰空山何處夢古寺幾聲鐘怪石疑蹲虎  
長松起伏龍禪林留客住偃息亦從容



送舊僚賈別駕致政還禹城

明工部尚書 甘爲霖

買個黃牛學種田起開茆屋倚林泉自知老去無多日且向閑邊  
過幾年爲吏爲官都是客愛詩愛酒便成仙世間萬物俱論價明  
月清風不要錢

宿禹城懷方棠林

明宜興知縣 谷蘭宗 歷城

薄暮投孤館懷人海月生煩憂平子賦疏鑿禹王城河古低巢燕  
樓高側渡鶯朝天問歸客到處有詩名

擊壤亭

明邑令 任宗美 曲州

在昔陶唐世皞民歸極作息隨朝暮耕鑿自飲食含哺惟嬉笑  
鼓腹泯知識農餘恣歌謠擊壤忘帝力末世民俗漓古道久湮塞

濟南府志

卷七十

藝文六 禹城詩

三

稼穡分勤惰機智相戕賊紀叟慕唐風建亭祝阿側擊壤古義存  
茅茨無修飾歲時樂賓友乘暇課耕織田夫荷笠尋坐談惟黍稷  
土鼓相倡和野歌發胸臆恍如唐虞民那知齊魯域歲遠亭成墟  
殘碑未盡蝕細辨龍蛇文感慨爲心恻

薛老塚

任宗美

偶出城東門望見城一方關外禾滿郊郊外木成行木外有高塚  
巍然大道傷父老爲我言舊是薛公坊薛公古義士樂施無限量  
閭里有貧人假貸日相望東家貸錢帛西家貸米糧償者不責息  
負者不責償歲久逋負多積券百千張主人縱不言負者心慚惶  
一朝焚券契償者無稽章貧人感恩對神焚明香曷以報主人

願壽年長主人沾疾病負者禱上蒼曷以報主人願早得安康

主人捐館舍負者如親喪雖無衰麻衣奔走淚涕滂曷以報主人  
協力築寔藏男子荷畚鍤女婦纂羅裳三日屹成塚高廣同山岡  
至今幾百年義士名猶芳我聞父老言感慨賦清商却恨守財虜  
專利爲身殃

登貝邱謁禹王廟

授貢于墨林

大禹抑洪水水抑天下平後人思厥德舉以名此城因之附會流  
傳久有臺叢爾亦禹名我來陟其巔感嘆生餘情禹之治水治一  
世未能千秋萬古寔殷室五遷實逼此周秦以後幾變更前年決  
單縣去歲汨東明千里常驚沉大地萬姓無計呼蒼冥禹昔拜昌  
言築義以謀成愚者千慮或一得我生其時當一鳴地周四海理  
可信地傾東南事無憑若非決破龍門口未知此水何處行雍州  
濟南府志

卷七十

藝文六

禹城詩

三

東北野廣漠兩岸夾東山連橫奚不鑿開北山脊導此洪波入北  
漠

八景詩

國朝邑令

董鵬翮 昌黎

志書有八景未詳所昉雖無名勝亦必附會以符其數何其陋  
也邑舊志八景曰貝邱存禹擊壤慕唐雪螺遺塚野井新亭西  
川泛綠東邱送青泮池騰蛟佛閣臥虎存禹慕唐文不雅馴騰  
蛟臥虎事屬子虛而擊壤野井於今湮沒無稽矣欲爲刪削有  
起而爭者姑卽所經另爲編補綴以四韻此亦未能免俗聊復  
爾爾也

貝邱禹迹

禹望水處上有禹王廟

四圍青未了大野入雲橫客子登高望悠然萬里情古今空代謝



天地自成平緣此思明德千秋俎豆榮

灤川新漲

夏秋雨後波浪洶湧足稱巨觀

黃河已南徒灤水自東流風雨添新漲烟波蕩遠疇舟車芳草渡  
鷗鷺綠楊洲消納百川去朝宗天盡頭

龍灣泉水

舊志曰南龍灣在今龍王堂

半畝芳塘小潭潭一鑑深每當陰雨下疑有老龍吟雲淨樓根倒  
天空月窟沉何當常住此早晚滌塵心

典雲落照

寺在城西高閣凌空簷瓦琉璃每當夕照霞采繽紛即舊八景中所云佛閣臥虎也

半院積陰長開襟坐晚涼西風生佛閣落日帶僧房塔影高含翠  
松花低散香自慚塵累久到此一徬徨

泰禹曉鐘

鐘聲聞三十里

濟南府志

卷七十

藝文六

禹城詩

古

百尺高樓上晨鐘第一聲因風散下里隨月落孤城斷續雞三唱  
纏聯漏五更不知塵夢裏聞此也心驚

石橋晚渡

高津橋爲南北孔道

來往車如織匆匆趁夕陽臥波橋半里爭渡客分行雲斷吳關遠  
風迴燕塞長紛投何處宿孤眺轉蒼茫

紫陽遺碣

朱文公耕雲釣月石刻

搗管意何如閒情化日舒雲耕新雨足月釣碧潭虛生意窗前草  
天機水底魚同爲飮道味及見晦翁書

書院石屏

石爲楊給事園中物園久廢棄置城隅今移置書院立之廳前居然石丈人矣

峻嶒清在骨孤立亦超然得地從今日埋塵知幾年花深風入院  
烟散月當天相對應須拜無爲笑米顛

北墅二首

明翰林院檢討劉士驥允良

燕山久爲客舊業委荆榛不謂重來日依然四望春烏啼如訴別  
花笑似迎人欲向菟裘老寧愁生計貧

一別東山去歸來幾歲華舊鄰翻訝客新僕未知家庭滿生孫竹  
林喧哺子雅所嗟容髮改且賞未殘花

濟南府志

卷七十

藝文六

禹城詩

五



犁邱賦

明四川右叅政 李若訥 邑人

五土之內邱居其一非假搏旋而標首崇高者為京慚層累之有日深兮為壑遙覆敦之自出况乎齊州以西歷下而北巋然犁邱如聳如陟形未凸於再成名未朗於一國小而能遐穆王紀汲冢之實夷而志怪列子談文人之惑指干禩以猶存繩一方而未踣洋洋東海之隅秀馭馭於丈尺恢恢大野之尾收崩施於枕籍無乃氣有攸聚精或專凝黑白之墳挺脈剛柔之土載恆性既殊於牝牡壽或倍於岡陵溯犁邱之著跡因齊地以獲稱近作勾盤之吞遙撫峭山之膺仰與睥睨齊頰竝街衢平左拍右掘云峰亭岫為其朋陰背陽向吉旬元局為其營壤不息而加夥基不拓而自

濟南府志

卷七十

藝文六

臨邑賦

夫

盈覽十畝之約略倪數武之崢嶸其籠映也槐分市景柳鋪衙隊綴齊霧以鬢鬆依岱雲而靈靄托撮土之非微單諸有之非大其眺屬也平楚千家阡眠眾態華注隱削玉之簪廣川疑縮衣之帶曉晚互移於前指顧仍勞於再其綿緣而苟亘也块如修蛇之昂首陂如伏虎之蹲軀冒隰陰以不絕引湍流以來趨迴輕風於紆軫幹碎月於甌與其窳窳而沈寥也觸為不佳之響順為不疾之呼蹈狝鬻則拓焉咸有瞻曩空則疏乃若無石門善然以應坊城廓爾以居於是招淨侶尋曠觀躡蒙茸兮碕岸緣攀遇扶疎兮勃宰盤桓高臺臨屆香雨浣其塵顏方址紆違春疇簇其清歡遂與好古之英淵才之品低回斜照流連小飲弔七萃之車轍馬跡恐遺踪而可諗想祈招之式玉式金倘餘韻而未寢既乃歎曰遐哉



邺乎是知其鳳歷之幾稔惜哉邺乎將無同於牛山之斯凜噫嘻  
營邺霸矣松柏悲歌宛邺帝矣鼓舞淫哇丹邺仙矣蓬萊靡涯蕭  
邺幻矣赫奕徒誇非霸非帝而培塿於山家非幻非仙而壘塊於  
歲華其惟犁邺卷土之多

臨邑舍弟書至苦雨黃河泛溢隄防之患簿領所憂因寄此

詩用寬其意

唐右拾遺

杜甫少陵

二儀積風雨百谷漏波濤聞道洪河圻遙連滄海高職司憂悄悄  
郡國訴嗷嗷舍弟卑樓邑防川領簿曹尺書前日至版築不時操  
難假蠶蠶力空瞻鳥鵲毛燕南吹畎畝濟北沒蓬蒿螺蚌滿近郭  
蛟螭乘九臯徐關深水磨碣石小秋臺白屋畱孤樹青天失萬艘  
吾哀同泛梗利涉想蟠桃倚賴天涯釣猶能掣巨鼇

濟南府志

卷七十

藝文六

臨邑賦

七

雁翅泊

明馬如乾楚人

雁翅泊頭沙似雪戍頭角鼓聲悲切鴈奴驚起啄沙寒獵火平原  
明且滅迨迨濟水若爲家夢斷衡陽歲月賒兄弟兩行憐欲死北  
來南去影橫斜君不見居民何太苦土無毛兮惟斥鹵以茲感歎  
不聊生拾得冥鴻一羽輕學裁宮扇逢人賣又恐西風先背盟

臨邑邂逅田莘野爲畱五日二首

明舉人馮惟健臨胸

跨馬還東海風花處處宜錦鞵隨去住朋舊任栖遲紅聖櫻桃熟  
青林杏子垂偶逢嵩少客高曠亦吾師

兩獻金門賦長沾紫陌塵春歸滄海盡興遇故人新河浴遺章在  
嵩陽舊蹟眞平生好古意開卷對吾頻

贈邢子愿侍御四律

明南京刑部尚書王世貞



星郎南代大家巡海國東停使者輪繡斧寔爲暴公子朱顏妬殺  
尹夫人篝燈疏草三吳淚隱篋芸編萬古身怪得弇園霜色薄樽  
前笑語盡陽春

與公孝與登翠邨

明陝西行太僕少卿 邢

侗子愿

一片陌塵近吾兄驅馬來露寒花破閨醅發酒盈杯對坐驚殘鬢  
牽衣上古臺生平無與爾肝膽莫教灰

來禽館遲汪明生結夏

邢侗

過從每朝市心傷戀滄洲遠道能相訪嚶鳴若有求禽來知果熟  
兩積覺林幽愼夏宜居此君應三伏畱

王明野侍御書徵拙翰聊此寄答

邢侗

南牀風采近如何珍重雙魚破暑過五月霜華烏府劇六朝烟靄

濟南府志

卷七十

藝文六

臨邑詩

六

白門多爲憐湖水君家帖翻愛崇虛道士鷺無計可凌楊子去雨  
花臺館共婆娑

泚園吟 小引

邢侗

余家濟北善富以數世王父迨世父相沿邸店上田甲一邑而  
自余讀書解事則諸院謀爲秦人出分計家侍御公適當戶一  
切部錄瓜分率用河南卜式指多推美田宅而余兄弟凡三人  
猶鼎峙各支一足僅不覆折耳無奇贏也爰自勝冠任宦性與  
錢刀違漫尋家日眾務日益拓蓋還山而租稅踐更之外幾不  
飽僮僕勢且割上田第一再忍他如酒鎗諸器物則什不一存  
徒有大第一區類鄭子真身如羈旅人終日與檐雀對時或編  
書庫得古人一言半語欣然有會乃自謂不貧也居恆家侍御

公謂不肖而王父諸父好行陰德計享年無耆耄者余老人獲  
藉祖宗餘蔭今且八十餘幸甚康強無恙小子聽之余老人行  
樂所不足者日耳嗟乎乃今而後安敢托言險阻以不中大人  
歡此園所繇作也園成版輿曰一御童子攜鹿廬牀選樹徙倚  
亭午爲展桃簾供高眠醒則啜茗一甌還舍中開日若節春秋  
始及具杯盃作小讌集不肖每每從行遊司所愛惡手荷長鑿  
壅培芟薙期不倍素懷庶幾一當萊子嬰兒啼以娛厥天年不  
愧人子也竊伏自念是園一柱木一把茆皆出轉貸歲且逋不  
訾而意實安之者不欲以貧故傷大人志耳夫以五十年溫厚  
肥美安享擬素封而以余不肖宦拙分著兩事減暮年歡天地  
雖大何所著此七尺哉客有問園及訝余本末失宜資身無策

濟南府志

卷七十一

藝文六

臨邑詩

九

者請以一紙應之我知我罪其毛鷲無所掩覆矣

犁邨

犁邨此邑傳犁邨此名古一片穆滿秋和雲戀抔土

涉亭

濟乃四瀆一相傳敞邑是彷彿認桑田微微漏清泚

東山

我家山之東我舍東山塢卜築近宮牆馬隊何足數

山園在儒學之東

南嶠

蜂巒攢十二飛棧入烟霧更對十二樓增城列仙姪

中阜

魁陵不應尋所貴得其據徙倚到上頭臨風迓仙馭



踈豁堂

平生厭喧湫林際一堂豁千載杜陵人吾儕仰流沫

來禽館

買絲繡石軍分行種青李總是愛來禽帖與樹俱爾

半舫齋

北人不識舟謂是西戎屋我屋翻似舟書帷當帆幅

暢叙亭

土俗舊刀環風光儼蘭渚觴詠暢幽情斯文感來許

魏書刀環  
不出臨邑

空游沼

千頭在沼鯉都作金粟身鏡中看不定疑是倒漣漪

小釣突

濟南府志

卷七十

藝文六

臨邑詩

辛

齊州古城邊平地湧寒雪坤維折復西吾園亦霏屑

亦山陰

親賓集上已歡樂移下春放溜成曲水山陰今屬儂

團槐塢

輞川宮槐名余意良有會似是雲中居團團下車蓋

浮螺館

伐竹爲橋好誅茆蓋屋宜片雲剛露紛縹緲對啣卮

思曼湖

弱柳絲絲漾晴湖艷艷光風流張緒遠雲水憶衣裳

水廓

迴廓置厓壁燈道如上天流泉一飛濺蕩漾琉璃田

長房洞

長房能縮地我乃傳要眇跳向一壺中方幅未云小

毘曇閣

灑灑阿毘曇妙義不削柿長日坐鄰僧鑪香兀相對

臨高臺以軒

臨高臺以軒樂府於古有大雅久寥寥請視此培塿

浩亶洞天

海外有名山廣柔攜我入劈得一支還蛟螭爲移轂

夕佳亭

返景復照苔山光亂飛鳥欲辨已忘言悠悠在林表

優鉢羅池

濟南府志

卷七十

藝文六

臨邑詩

三

人道是青蓮佛說是優鉢色相本來空無須太藤葛

鷺羣樹

鷺邨人不返是處有鷺羣但會寫黃素前身應右軍

鴈醪臺

我有清醪酒與君爵千鴈臺上方了了臺邊笑顏唐

鶴田

華亭音響逸青城毛羽便晚暮欲依爾千錢營鶴田

清隱山堂

不入清隱山但學清隱篆一領故朝衣春雲繡成蘚

九日同家弟仲季與客宴集犁邱

邢侗

絃管無多醉不辭東籬堪翫菊花枝客憐鴻鴈同家遠酒有茱萸



對弟宜暮色冷涵秋水碧晚風斜颭帽簷欲詩成點筆遊俱當景  
聽寒林一葉吹

輓邢岡卿先生

明四川右參政 李若訥 季重

臨城一夕黯重雲蘭室西風未散薰官署人閒曾作吏星躔天上  
總爲文上林不愧雙司馬青李堪標小右軍轉憶當年流翰墨樂  
浪元菟也知君

辭官脫跡古犁邨那見青山不勝遊座客盈千真北海交知大半  
似西州名人姓字需班筆才鬼文章寄玉樓庭下芝蘭俱秀郁封  
胡羯末復英流

楊花詩五首 錄二首

李若訥

紛紛陌上復樓東偏逐芳時散碧空漢苑春容眠起後隋堤曉態

濟南府志

卷七十

藝文六

臨邑詩

三

有無中輕寒乍裏全疑雪淺媚徐生半借風笛裏折枝非此曲悠  
揚丰韻對誰工

行處紛紛眺處疎悠悠誰遣到庭除宜將拂袖飛雕檻更好開鬢  
滿玉梳姿態梨雲纔起後芳華桃雨乍迴初何知穠郁逢搖落恰  
報東風謝政餘

遊戒珠寺訪戒空上人不過

邢 嶧 躋岳

鐵馬丁東鳥語忙諸天慧日隱禪房來禽帖在頭陀石貝葉經殘  
般若堂 萬歷間置藏經堂久圯 鶴老高棲三界靜雲流倒影一潭

光幽人也解偷閒意誰箇相逢話短長

子愿字

國朝吏部員外 王士禛 軒城

豐頤方口如公異筆墨風流信不羣千載舊觀還內史一時好手

似羊欣

論詩絕句

國朝刑部尚書 王士禎 新城

來禽夫子本神清香茗才華未讓兄徐庾文章建安作悔教書法掩詩名

過子愿先生墓

王士禎

秋晚犁邳道西風黃葉深婆娑嘆官柳惆悵少來禽一代風流絕孤墳牧豎侵通家懷舊客重鼓雍門琴

太平曉鐘

獲鹿進士 魏述祖 繩孫

兩年遊屐息花封髮鬢飛鴻雪裏蹤荒署月明黎子國遠郊風送太平鐘幾聲堪省利名客清夜自慚塵俗客十二因緣齊淡却應將一指叩天龍

濟南府志

卷七十

藝文六

臨邑詩

三

來禽館弔子愿

拔貢 吳連周 章邨

來禽書法太精神清品翻教掩妙真豔雅獨當七才子文章高掩六朝人侍中未肯阿張讓河內猶聞借寇恂毘閣團槐何處是祇今瓦礫滿荒榛

來禽館卽景

國朝邑令上杭 莫樹椿 翹南

幽齋瀟灑關何年斷續書聲到耳邊紅杏一林香夾路綠楊千樹碧連天無多臺榭迎風月大有文章法聖賢此日我來慚俗吏替公重整舊花田

丙申長至後二日過臨邑贈沈臺簪明府

國朝高唐州知州崇川 徐宗幹 樹人

載星東望指闌干且喜霜天月未殘偶客他鄉訪知己不辭行路



夜深難

入境翻疑馬不前只因小別已如年圍爐核印編新譜料想篝燈

尚未眠

前爲題篝燈核印圖

百餘里外割鴻溝往返詩筒村置郵今日造門從我便陳蕃一榻

約重遊

清風果爾故人來

昨贈集句以好雨知時節屬對

茗盃論文勝酒杯一紙黃花新

榻本好將文獻補犁臺

重九聚星樓登高

國朝邑令桐鄉沈淮台贊

重陽例風雨秋情解宿駁尋幽選倚侶塵纓謝羈束行行城東隅  
登臨恣遐矚平楚密如薺炊烟起茆屋秋卉無俗姿沼籬散黃菊  
勝日共嬉娛深筆酌醞醪涼風從北來南雁翔肅肅計我違故園

濟南府志

卷七十

藝文六

臨邑詩

三

三度駒光速蓬徑已全荒塵勞徒案牘茱萸插滿頭離愁紛萬斛  
高臺渺何處

即讀書臺故址

盛衰理倚伏聊復頰花饒及時且行樂清遊

檐望歸夕陽挂林木

彌陀寺石幢歌

沈淮

金秋氣蕭森霜葉丹黃鍊出郭尋幽勝天涼腰脚健城南卅里遙  
沙溝跨金線

寺前有沙溝河金線橋跨之

古剎標彌陀鐘魚出禪院殿左植石

幢綠繡古苔纏厥高餘五尺其圍方八面有唐大中年劉氏方佐

建尊勝陀羅尼經字鏤巍顛大半文患漫摸讀殊難徧况復經俗

手重刻跡多質憶昔象教興白馬馱經便說法散天花崇信惑愚

賤緇彼宣宗朝神仙術心羨遣使迎方士轉圜幸納諫

大中十一年迎道士

軒轅集於長人貴屏嗜欲道豈求虛幻迄今千百年滄桑幾遷變

蘭亭沒幽隧荐福轟雷電碑版久銷沈猶留石一片得毋隱鄉僻  
貞介不求銜顯晦本尋常古懷我眷戀摩抄手不置響榻墨光絢

杏花邨

沈淮

上岡高下樹成叢仙杏花開簇簇紅絕妙三間茅屋外青帘一桁  
颺東風

春林雨過碎紅酣出郭清遊客兩三一幅天然好圖畫教人風景  
憶江南

來禽館

國朝桐鄉舉人 沈寶禾 隄宜

藹然祖佛競歡呼一振家聲起鳳雛金粉蒼涼追六代繡衣峻整  
指三吳南宮膏澤與人誦東國風騷大雅扶合付中書上上老石  
家策數侍天櫺

濟甯府志

卷七十

藝文六

臨邑詩

壹

白雲親舍奈愁何便脫朝衫換芟荷裴度園林宜倦客鮑昭詞賦  
答妍娥酒盃老去黃花健碣石今來青李多奚止舊家風物渺荒  
荒殘照感銅駝



長清

題靈巖寺泉池二首

唐翰林供奉 李白

遠公愛康樂爲我開禪關蕭然松石下何異清涼山花將色不染水與心俱閒一坐度小劫觀空天地閒

客來花雨際秋色落金池片石含青錦疏林掛綠絲高僧拂玉柄童子獻雙梨惜去愛佳景烟蘿欲暝時

靈巖寺西入石路

唐監察御史 劉長卿

山僧候谷口石路拂莓苔深入泉源去遙從樹杪回香隨青藜散鐘過白雲來野雪空齋掩山風古殿開桂寒知自發松老問誰栽惆悵甘泉水何人更渡杯

題靈巖諸峰

唐考功郎中 錢起

濟南府志

卷七十

藝文六 臨邑詩

美

向山看霽色步步豁幽性返照亂流明寒空千障暝石棚有餘妍殘霞月色映上詣朗公廬孤峰懸一徑雲裏隔窗火松間下石磬客到兩忘言猿心與禪定

題靈巖寺

唐水部郎中 司空曙

泰山古寺遶烟波石磴盤空鳥道過百丈金身開翠壁萬窗燈焰隔烟蘿雲生客到侵衣溼花落僧歸覆地多不與方袍同結足下看塵世竟如何

留題靈巖寺

宋宰相 李沆

靈巖山勢異金地景難窮塢影遮層漢鐘聲落半空千峰羅雉堞萬仞聳屏風飛鶴來青竇剝魚掛古桐名曾參四絕封合亞三公勢徹河壩遠形差嶽鎮雄仙閭鄰峻極日觀伴穹崇邃洞連蓬島

重巒鬱梵宮望應銷俗慮登喜出塵籠獻壽嵩衡並分茅海岱同  
良方標出震午位對升中嵐滴晴烟碧崖鋪夕照紅巍峩齊大華  
奇勝敵崆峒鍊句供詩客摹真怯畫工天孫分怪狀神化結全功  
吟賞慵回首林泉興愈隆

靈巖

宋端明殿學士蘇軾東坡

醉中走上黃茅岡滿岡亂石如羣羊岡頭醉倒石作牀仰觀白雲  
天茫茫歌聲落谷秋風長路人舉首東南望拍手大笑使君狂

題靈巖寺

宋翰林學士蘇轍眉山

青山何重重行盡土囊底巖高日氣薄秀色如新洗入門塵慮息  
盪激得清泚升堂見真人不覺首自稽祖師古禪伯荆棘昔親啟  
人蹟尚蕭條豺狼夜相舐白鶴導清泉甘芳勝醇醴聲鳴青龍口  
光照白石陞尚可滿畦陸豈惟濯蔬米居僧三百人飲食安四體  
一念但清涼四方盡兄弟何言庇華屋食苦當如薺

濟南府志

卷七十

藝文六

長清詩

三

寺有四絕一曰靈巖予以赴官獲茲稅鞅因賦拙句用志其  
行

宋濟南郡守祖無擇擇之

常想靈巖得到難因迴征轡此盤桓松風逗磬僧齋冷水環堂  
客夢寒聖作儼同堯典布古碑猶是魏朝刊最憐山色當樓好欲  
去重來一凭欄

原注寺有太宗御製御書

宿靈巖寺

宋侍讀學士知齊州事張揆歷城

再見祇園樹流光二十年依然山水地况是雪霜天閑影移寒日  
鐘聲出暝烟微官苦奔走一宿亦前緣

題靈巖方丈

宋知齊州事曾鞏南豐



法定禪房臨峭谷辟支靈塔冠層巒軒窗勢聳雲林合鐘磬聲高  
鳥道盤白鶴已飛泉自漫青龍無迹洞常寒更聞雷遠相從樂性  
邁塵鷲豈可干

留題靈巖寺

宋京東轉運使 鮮于侁 子駿

馬煩筆策車馳轂終歲塵勞常碌碌喜聞巖寺靈山中路轉清溪  
入幽谷乍行山口疑洞天窮深一上翻平田千層臺殿隱林木四  
面石壁生雲煙山僧迎門笑相揖爲語祖師存往蹟屈指於今八  
百年已在西來達摩前鶴鳴飛止黃金地錫杖湧起清涼泉境稱  
四絕名天下天台石橋乃其亞千峰不改歲寒時一水最憐秋月  
夜半生遊學頗艱辛且向空山老此身也知方丈安禪處解笑東  
西南北人

濟南府志

卷七十

藝文六

長清詩

三

登覽靈巖

宋 逸 洛陽

抖擻塵衣訪古蹤捫蘿陟嶮嶽靈峰寒堆泰嶽千岩雪晴繞方山  
十里松泉項客回聞法鼓雲堂僧起動齋鐘如來元現因明處直  
上人天第一重

重過靈巖有感

金濟南判官 楊 野

不到方山寺於今四十年形容空老矣風物尚依然十里穿危磴  
羣峰簇險巔澗深泉漱玉林古樹參天階砌封蒼蘚闌門鎖粉堦  
幽奇言莫盡工巧畫難傳突兀五花殿法澄雙鶴泉僧寮依地勢  
丈室極天元樓閣相懸亘齋廚盡潔澗簷煥金碧戶牖晦雲烟  
龜吐源流淨雞鳴盜意悛松杉千古老花卉四時鮮峻嶺朝陽透  
陰崖夏雪堅虎行猶棧閣蛇路尚蜿蜒塔影侵遼漢鐘聲徹廣川



園亭隨上下池沼任方圓勢遠滄溟接形高岱嶽聯秋來涼氣早  
春至暖風先四絕名居首三齊景最偏祖師畱鐵納勝地布金錢  
便可名兜率真宜號福田捕蝗同驛使策馬訪民編旅店難投迹  
靈巖少息肩上人蒙眷戀信宿得畱連香火朝隨喜籠燈夜問禪  
挺身如出俗愜意類登仙擬作歸休計無何公事牽官程嚴有限  
精舍住無緣詰旦還推枕歸途復著鞭何當罷塵累永結社中蓮

遊靈巖題壁

元長清縣尹 趙文昌 西阜

路入藤陰石徑涼馬頭遙認贊公房兜羅天近雲烟溼婆律風清  
草木香紅鶴飛來山隱隱元猿啼罷月蒼蒼窮探自是平生癖拄  
杖還須到上方

遊靈巖應夢

元長清縣尹 張士明 金山

濟南府志

卷七十

藝文六

長清詩

无

清亭忝民牧倏忽兩月餘懇惻理詞訟倉皇行簡書深秋勸農事  
東馳岱宗途有山忽北轉宛然梵王居靈蘿隔烟樹經閣參浮屠  
林巒類拱抱澗壑如交趨松風振岩谷石泉流庖厨峭壁龍蛇窟  
懸崖虎豹區野猿啼叮唾海鶴舞舞庭除僧間看貝葉客至翦新蔬  
勝景躋壽域禪房列周廬山前回首望一夢枕相符

畱題靈巖

明翰林編修 許 彬 東魯

古刹幽深有路通四圍山擁繡芙蓉雲花尚逐獸經虎靈雨常隨  
聽法龍東澗水流西澗月上方僧定下方鐘五花新殿凌霄漢畫  
拱雕甍幾百重

面面峰巒紫翠連白雲深處有人烟落花泛泛流雙澗古塔巍巍  
由半天勝地連山三百里名師卓錫幾千年壯遊不盡登臨興



筆成詩付大顛

遊靈巖

明提學道 薛瑄 河津

靈巖有路入烟霞臺殿高低釋子家風滿迴廊飄墜葉水流絕澗  
泛秋花青松閱世風霜古翠石題名歲月賒誰謂無生真可學山  
中亦自有年華

宿靈巖

薛瑄

梵宇深沉夜景遲僧房禪榻果幽奇竹鳴盧屬風過處霜落寒巖  
月上時紙帳燭光團白玉石爐香燼靄青絲紅塵馬首明朝別只  
恐山靈解勒移

留題靈巖

明巡按御史 張惠 忻州

亂石斜橫曲徑幽綵雲飛繞寺前樓巉巖松老洞常掩竹院泉香

濟南府志

卷七十

藝文六

長清詩

三

水自流千古名山客我到百年清興許誰收歸鞭又促行春馬孤  
負禪僧善意留

次蘇穎濱韻

明山東典試 王守仁 陽明

客途亦幽尋窅篠穿谷底塵土填胸臆到此乃一洗仰視劍戟峰  
巒聳頽如泚俯窺蛟龍窟匍伏首若稽異境固靈秘茲逢實天啟  
梵語過巖壑簷牙相角觝山僧出延客經營設酒醴導引入雲霧  
峻陟歷堂陞石田惟種椒晚炊仍有米臨燈坐小軒矮榻便倦體  
清幽感疇昔陳李兩兄弟侵晨訪遺跡碑碣多荒蕪

遊靈巖寺十二韻

明刑部尚書 王世貞 元美

見語靈巖勝還驚忽道翫天垂孤刹出地轉萬峰藏橋石鯨飛動  
烟嵐鷲渺茫山形界齊魯榜字接隋唐虎坐俄拏攫虬潛欲奮揚



胸留祇樹色春勒寶花香伏水侵禪座歸雲護講堂慈筵深歲月  
忍草足冰霜飽進茵陳飯眠酣薜荔房微吟和清磬步屣信迴廊  
許掾談誰解陶公醉不妨莫疑車馬客爾亦困津梁

再遊靈巖十二韻

爲捨祇園竹名山結願偏登高悅初地徒倚更諸天不改芙蓉色  
微添蘿薜亭松雲移疊嶂花雨助鳴泉芒屨青從引苔衣碧任穿  
井猶雙鶴浴瀑似片虹懸磬發僧歸定燈餘客借傳新茶收月供  
淨艷割霞眠未叩無生理聊追有漏緣空聞飛錫杖不見布金田  
盡劫終成幻降心適離禪祇應何所住一鉢付流年

遊靈巖寺

明吏部尚書 楊 巍 海豐

八十二翁長閉關爲尋知己到名山巖頭雲走如迎客各口花開

濟南府志

卷七十

藝文六

長清詩

三

似解顏鐘磬聲來天地外樓臺色映有無閒老僧欲我留詩句松  
月滿空鶴未還

重遊靈巖十韻

明督學副使 李化龍 長垣

攬秀山全勝探奇客再尋慈雲開覺路佛日上禪林淨域三天曉  
空門十里陰忘機僧化石種福地生金高閣看人代方池閱古今  
鐵衣畱幻相巖竇見禪心峰合窺天小臺高貯月深清泉雙鶴舞  
老檜萬龍吟闌寂消塵慮清虛愜素襟飯依欣有地慚愧未抽簪

遊靈巖寺 有序

明布政使 陳文燭

寺蓋在秦嶽西北麓四山擁翼棟宇連雲摩空千霄莫可名狀  
唐人纂十道圖經以此與棲霞國清玉泉爲宇內四絕余得遊  
焉真一適也



名利高巖裏遺碑古道傷岱宗看未了寶塔見還藏白兔驚神異  
青龍事渺茫朗公會過魯初祖盛於唐錫杖泉留月袈裟鐵染霜  
潛龍應解脫幽鶴任飛揚取水真甘露尋溪得異香茶椒供佛座  
梧竹滿僧房慧日懸精舍慈雲護法堂鵲巢千樹頂鶴遶五花廊  
臺木遊偏好披衣臥不妨偶來依淨土修爾又河梁

初夏東巡畢同程大參李大參梅學憲丁都閩遊靈巖寺二

首

明山東巡撫 王在晉 太倉

節旄東指海天分戎服雄麾虎豹羣世上百年添俗事山中一騎  
撇塵紛香鐘初動消長日草篆纔揮掃暮雲爲憶東光行路盡殘  
花粘絮欲隨君

陰壑深林築地偏離奇松石幾千年孤雲獨鎖靈巖塔雙鶴迴翔

濟南府志

卷七十

藝文六

長清詩

三

卓錫泉白象青獅聞大藏金輪華蓋擁諸天謾將勝賞銷公事山  
谷排衙吏亦仙

宿問竹亭二首

王在晉

絢宮高起鎖烟霞石鉢甘泉雨後茶蒼玉點成青竹杖黃金塗就  
鐵袈裟聽殘鐘鼓僧初定臥閉禪關月未斜人到春風過來去滿  
林新筍已抽芽

峭壁檀欒路轉深參天松柏女蘿陰山頭塔湧鏡光合窗外月明  
花影侵賦就禪房時刻燭烟消香鴨獨調琴通宵欹枕聽清梵聊  
寄倏然出世心

題靈巖十二景

錄三首

明參議

胡一龍 永城

本無聲裏若聞聲聲在覺根不在聽無數關津名利客可能喚得

幾人醒雞鳴山

多寶如來現世緣莫須磨洗認方田塵根已斷還常住不作人間  
忍辱穿 鐵袈裟

迷津惹大須回頭爭奈凡夫不肯休願得瞿檀普一渡盡將大地  
作慈舟 般舟般

題靈巖八景詩

明主 金鼎 濟南

靈山削出玉芙蓉絕勝江南天印峰最是雨餘堪畫處嵐光秀色

自重重方山積翠

雙鶴飛來地湧泉名題甘露至今傳涓涓一脈流無竭直與滄溟

巨派連甘露澄泉

階下方池石甃成天然古鑑更澄清梵僧照影春初曉應共禪心

濟南府志

卷七十

藝文六

長清詩

蓋

一樣明鏡池春曉

梵僧昔日憩巖間靈蹟千年尚可攀雪霽扶筇閒眺望烟光咫尺

見他山明孔晴雪

危樓高閣接雲端此日登臨倚畫欄四面好山看不厭詩成與客

且盤桓書樓遠眺

堂開默照幾經春賢老遺文刻尚新此處更無塵俗到都將清興

付詩人默照幽吟

長松偃蹇似龍蟠翠色偏宜雨後看幾度幽齋人不寐夜深梢上

月團圓松齋皎月

數箇琅玕布夕陰涼颺拂拂淨塵襟當年蔣詡開三徑何似山家

得趣深竹徑晚風



寺創南齊久山更岱嶽連巉巖高拂日明孔遠窺天法湧金盤露  
神開錫杖泉袞袞遺此地衣鉢去何年竹灑千竿影松餘十里烟  
窮探般子窟長眺朗公巔貝葉藏千卷雲根隱小禪寶雞三唵嚵  
瑞鶴兩翩翩置寺高僧定般舟古佛傳白雲飛野洞翠柏覆簷椽  
龜噴靈源水蝸涎斷石鏽菩提無色相盟證有真詮絕巘林巒逸  
浮屠星斗聯轉輪千劫盡摩頂一枝旋騷客增吟興沙門雜管絃  
勝遊期再續俚句強成篇

石虎山

明饒陽知縣 杜 泰 邑人

石虎山劫后土宮老槐盤鬱石龍從遊人攜酒集春暮野老扶筇  
乞歲豐仙客洞深聞犬吠蒼崖字古有苔封登臨聊放乾坤眼魯

濟南府志

卷七十

藝文六 長清詩

三

甸齊疆指顧中

由靈巖寺過甘露泉登功德頂

國朝邑令 李廷臣 遼陽

于齊于魯此山通瞻得天孫嶺過東石雨滴香樵子徑松風吹老  
梵王宮字痕搜古苔衣碧人跡凌高荔葉紅欲想樓霞較諸勝玉  
符縹緲白雲籠

靈巖行

國朝提督學政 施閏章 愚山

靈巖開鑿巨靈苦萬仞丹梯作環堵已衝天穴透珠星更遺甘露  
瀉石乳重林深翠來風雨鐵崖涌出袞袞古土花錯落纈金斑水  
田細緻天為補丹臺照耀層巖巔削成石屋居無椽杖藜直上八  
千尺手撫白鶴凌紫烟朗公卓錫呼不應龐眉石丈拱我前徧視  
人間悲浩劫誰知梵宇亦桑田般舟寶殿金銀摧世尊座埃龍魚



哀唐碑宋碣紛紛折存者歆側埋荒苔靈跡摩挲恨未了倦遊一宿良草草安能高枕臥靈山飽飯青精顏色好

題靈巖寺

國朝內閣學士 張榕端 滄陽

首夏紆遊屐靈巖蘊秀殊歎迴山曲折一望樹模糊負嶺如屏障前溪儼畫圖所嗟年歲久名利半荒蕪

題靈巖寺

國朝邑令 巴柱朝 奉天

石壁嶙峋秀果真幽棲曲隱大乘身梵宮風送鐘聲晚竹院香浮祇樹新道貌柢留雲作伴禪心直與月為賓清泉極目遊魚沓笑到巖花別有春

御山

國朝內閣中書 于紹舜 克承

御峰雄踞出崔嵬烏弋誰將縮地來怒吼松濤驅虎豹閒排雲陣

濟南府志

卷七十

藝文六 長清詩

五

鼓風雷西歸欲逼星河去東望疑從泰岱迴聞說空王降怪獸猗猗亦二雨花臺

滴水崖

于紹舜

懸崖滴漏絕喧塵杖履何辭遠問津石竇飛泉寒漱玉溪花落水淡含春斜攀曲徑松為蓋倦枕清流草作茵自是桃源仙隱地可憐身世日因循

鐵袈裟

于紹舜

幾年面壁著袈裟拋向深山閱歲華縱使龐眉絕塵垢可憐衣鉢老煙霞空餘色相驚輿俗說演宗乘落寶花西去不攜東土物便須隻履走天涯

巢鶴巖

于紹舜



塵蹤長是羨飛鴻  
巢鶴巖巖恰御風  
十里松陰晴亦雨  
千重烟靄色還空  
列屏山似居連舍  
放眼人如鳥脫籠  
不用憑虛歎搔首  
恐就詩句負青蔥

梁王城

國朝歲貢 朱廷升 順之

舊園千年渺物華  
頽垣猶自靄烟霞  
綠蘋出沒雙鷗浴  
碧樹陰森數鳥譁  
戰壘頻聞猛士過  
箭頭時出老農家  
此中貴賤同銷歇  
惟有清流到水涯

雞鳴寺

潘起涓 邑人

南朝多梵宇  
蕭寺有雞鳴  
匝地藤陰合  
照人潭影清  
亭臨後湖水  
塔壓古臺城  
似訴興亡恨  
林閒春鳥聲

濟南府志

卷七十

藝文六

長清詩

美

陵縣

過平原長歌

宋丞相信國公文天祥 廬陵

平原太守顏真卿長安天子不知名一朝漁陽動鼙鼓大河以北無堅城君家兄弟奮干戈一十七郡連夏盟賊聞失色分軍還不敢長驅入咸京明皇父子得西狩由是靈武起義兵唐家再造李郭力賊臣牽制公威靈哀哉常山賊鈎舌公歸朝廷氣不折崎嶇坎坷不得去出入兩朝老忠節當年幸脫安祿山白首竟陷李希烈希烈安能遽殺公宰相盧杞欺日月亂臣賊子歸何所茫茫烟草中原土公視於今六百年忠精赫赫雷行天

謁東方先生祠

明武德兵備道李三才 臨潼

金門稱大隱古宇儼高風調笑漢天子優游給事中龍蛇何自定

濟南府志

卷七十一

藝文六

陵縣詩

七

夷惠竟誰工自顧成輕薄驅車出廟東

乘驄歷郡國落日扣祠扉寂寞山河古蕭條世代非月疑達士嘯

雲想細君衣迢遞門前路還思割肉歸

平原弔魯公

明山東僉事曹天憲 浮梁

聞道平原舊有祠單車城北更棲遲斷橋一望空埤堞野寺千秋

老檜枝聲鼓有聲驚地夢衣冠何事又身危孤忠白日懸天地悵

惘兒童自歲時

重遊乾明寺

孫緒

不扣禪扉三十年遙岑烟水故依然鳥鳴古堞客方醉蟲篆殘經

檜未眠黃葉一庭秋瑟瑟清風四壁夜娟娟候芭白首知無用悔

愧何人守太元



魯公祠落成

孫 昺

開府平原社稷功我來綰綬景高風  
琳詞鼎建春日靄擊鼓摧殘  
朔雪融百雉荒城猶聳漢萬軍遺  
壘尚驚戎精忠凜凜光青史千  
載何人可繼公

安陵懷古八景詩

國朝邑令 史颺廷 平陵

東壁奎樓

尺五樓高倚太清戴匡蜚紫映藜明  
自今奎聚占東井瑞靄平原  
拱玉京

南橋鐵板

誰家冶鐵臥長虹共道襟喉此地通  
今日無庸歌作楫九衢雨土  
暗濛濛

濟南府志

卷七十

藝文六

陵縣詩

美

北郭妝臺

高枕城隅只一邱翠幃珠幙倩誰收  
當年曙色雞聲裏十二金釵  
上玉鈎

神頭曉氣

鬱葱佳氣繞神頭秦帝遙看作獸遊  
本爲漢家鍾曼倩也勞車馬  
到荒陬

禹國通津

北流分派已居三有鬲洋洋樂且漑  
不謂滄桑幾變易僅存經註  
託空談

越公封址

星野分危十度餘邯鄲公子乃安居  
三千食客今何在剩有斜陽

照故墟

顏守名碑

仙吏名文總一流得公筋節更千秋我來滿目蒿萊候珍重韓陵

片石留

謁東方先生祠

國朝舉人 康巖采 贊皇

歲星何事謫人間據地歌傳調不刊誰謂詎諧金馬側漢庭每自

霽龍顏

弔禰正平

康巖采

懷刺無由見一英時宜不和恨難平只今鸚鵡洲邊水濤怒猶聞

鼓史聲

道士訪三元宮呂道人不遇三元宮在國朝歲貢康灼坤體輿

濟南府志

卷七十

藝文六 陵縣詩

三

道士尋仙去未回山門寂寂任風開松陰久立無人跡鄰院童兒

汲井來

伊瀨五平

寒瀨采

備東意法生師

寒瀨采

三石留

詩史各文一載公報贈更于煉拜來請自書來刻多星傳刻

贈王台

新刻



德州

陵州

元葛邲賢

日落陵州路沿流古岸傍泊舟人自語聽雨夜偏長過客愁聞盜  
荒村久絕糧何人肯憂國得似董賢良

過古黃河堤

元河北廉訪經歷 薩天錫直齋

迢迢古黃河隱隱著城勢古來黃河流而今作耕地都邊變通津  
滄海化為塵堤長燕麥秀不見築堤人

過德州

明許穀上元

樓船御北風渺渺迺齊東種秫生涯薄誅茅結構同日沉平野上  
人語近邨中水面看牛斗星槎似可通

過德州不及訪于鱗有寄

明刑部尚書 王世貞太倉

濟南府志

卷七十

藝文六

德州詩

早

衛河新水森漫漫東望踟躕思萬端我自可無衰鳳嘆君今仍作  
臥龍看歸鴻落照鄉心劇立馬浮雲岱邑殘豈是剡溪偏興盡古  
來天上聚星難

答元美德州道中見寄

明河南按察使 李攀龍歷城

檄書遙借薊門看咫尺平原一笑難便道何妨畱作客他家惟願  
起為官雙龍夜半星支動匹馬秋深嶽影寒杯酒可知公子意空  
懸十日布衣歡

客居安德倉元美兄弟見懷

薊門秋色夢中偏二子乘舟下廣川食客未應常在趙酒人誰復  
並遊燕心知老驥元千里日送歸鴻自一天已分蓬蒿能盡典壚

頭春酒卻堪憐

德州舟中

明禮部右侍郎程敏政休寧

出逢漕舟來入逢漕舟去聯檣密於指我舫無著處沿流或相妨  
百詬亦難禦有如暴客至中夜失所據平生凡幾出苦口戒徒御  
忍後莫爭先寧緩勿求遽今茲畏簡書刻日覲當寧而况河防嚴  
衣冠重相懼危坐鬱成晚少寢驚達曙蕭蕭傷水村隱隱隔城樹  
緬懷古賢哲高臥得深趣愧我行路難推蓬賦長句

中秋夜同王元美衛河泛舟

明四溟山人謝榛茂秦

王郎乘舸下重灘相對清樽一盞歡客路艱虞知已在老年離合  
定期難月光初上孤帆落秋氣平分萬木寒後夜酒樓嘆圓缺回  
瞻北斗是長安

衛河行

顧紹芳太倉

濟南府志

卷七十一

藝文六

德州詩

望

衛河北馳疾於箭日夜入海無休時我船泝流費牽挽南風况復  
當頭吹隔江黑雲塞天起水急風狂礙行李南船十步不一前北  
船飽飯蓬底眠君看世事那不爾北船南風豈長使

董子讀書臺

明僉事田登

下帷人已去寒色漸荒臺樹老鶴分子堂空鳥篆灰賢良當世重  
道統自天開望國心仍切徵賢詔不來漢廷用枚朔長嘆失眞才

前題

明戶部員外王陽草懷

驅車斜日御河濱下馬陵邊草樹春功在六經宗孔孟方陳三策  
貫天人廣川世遠邱園舊北斗城高廟貌新却笑荀揚成底事空  
將文響動儒紳

驛壁

明刑部尚書王世貞元美



二十年前官柳條春風綠遍德州橋於今禿盡如僧老怪得行人  
鬢易凋

晚登廣川樓遂宴於驛亭

明巡撫都御史 陳鳳梧 泰和

萬里風帆遡晚秋凌雲更上廣川樓天空落木千山遠水盡寒潭  
一鏡浮西漢文章懷往哲東籓冠蓋記同遊雙梧亭下一尊酒素  
月流光入賞眸

營杜亭成述懷

國朝巡漕御史 盧世淮 德水

年來謝客戶常扁特向空園起杜亭闢地誅茅安簡樸寫真談座  
表儀型吾衰還作千秋夢世遠惟憑一念醒子美五郎俱在此增  
前竹柏鬱青青

矩亭

崑山 顧炎武 亭林

濟南府志

卷七十

藝文六

德州詩

望

董生祠畔子雲亭澗雨巖虹望獨扁門外曉寒榮帶草林端秋散  
照書螢長窗直道扶千載自見遺文表六經今日似君還肯構應  
知家學本趨庭

過桑園鎮

國朝河津知縣 李 源 星來

望裏青帘在村墟小市屋花明茅店雨柳映板橋烟商旅人交逐  
燕齊地接連長河官渡少隔岸喚漁船

自題矩亭

李 源

東郊別墅舊林垆還向空園起矩亭堂構重開循故址圖書長在  
守遺經買達父業千秋重鄭眾儒門再世馨敢道室成輪奐美松  
筠未改曩時青

早秋雨晴登陳公堤眺望

國朝工部員外 程先貞 正夫

東上陳公舊築堤，衛河掛向夕陽西。帆檣遠出吳兼越，陸谷難分  
趙與齊。驛路風雲看馬走，田家烟火聽雞啼。秋來浮雨傷禾黍，潦  
水平深五尺泥。

秋日登州城西樓

程先貞

城尖縹緲挂飛樓，極目天涯一望收。寂寂書臺西日下，蕭蕭劍塚  
北風愁。水痕消落魚龍夜，雲影迢遙鴈鴛秋。努力中原勞苦處，登  
高作賦愧吾儔。

贈一百二十歲范道人八韻

程先貞

道人故居吾州衛河西，鄙之琵琶屯生於明嘉靖三十年辛亥。  
今一百二十歲明年三見辛亥矣。起居如平時，五官之用未嘗  
少衰。然非有服食修養之術也。聞其少時事母最孝，家貧不能

濟南府志

卷七十

藝文六

德州詩

星

娶妻又九子，祠爲香火道人。祠有薄田數畝，躬耕給朝夕而已。  
與人一無所忤，而意興瀟然，殊不類荒僮。父高念東，太史以使  
事過州，便道訪之，爲之徘徊不能去云。

道人一百二十歲，瘦骨峻嶒，鬢髮蒼坐，對白鷗浮水，靜行牽黃犢。  
種田忙，頗聞愛日依慈母，直數生平到。蕭皇陵谷遷移深，閉戶烟  
霞廓落獨登牀。空心不用看書卷，渴吻何曾問酒漿。業倣逍遙遊  
廣莫，身餘渾沌屬中央。頑仙縱未膺眞誥，庶老還須入下庠。御笑  
蜉蝣空復在，榻來楚楚炫衣裳。

雲莊雜興

國朝翰林院侍讀 蕭惟豫 韓坡

林閒布穀暝清眠，睡起支窗看遠天。此地無山雲作岫，南村傍水  
樹生烟。荷鋤野父垂楊下，曬網漁舟蘆荻邊。寄語兒童牛力盡，歌



聲未歇又鳴鞭

雲莊種瓜和田山薑韻

蕭惟豫

閒區種瓜五六畝熟日摘得瓜盈筐扶杖壟頭頻計數腰腳酸軟  
眠東箱西鄰長蔓橫鋪地爭以色味來誇張青者如碧白者玉昔  
傳五色今如常我居村落躬耒耜肯拋尺土令蕪荒近母本小中  
子大誰兄誰弟記有方送與山薑解煩暑若飮崖蜜傾蔗漿憶識  
瀛臺承

恩賜玉盤堆滿夢渺茫南莊臥病蕭穎士北村好客田孟嘗數過相戒  
雞勿殺野蔬園果充饑腸剖之代茗勝七椀救渴除渴齒頰涼城  
市是非不入耳兩驢駕車行徜徉野色澹蕩各分半余何孱弱君  
何強賣瓜老翁閒無事暮雨打葉聽浪浪

濟南府志

卷七十

藝文六

德州詩

四

山薑原韻

韓坡種瓜不一畝瓜熟摘得千百筐小者斑青成行隊大者若  
蠢排兩廂河村相望十餘里騎驢打門來拍張自誇其瓜美無  
亞東陵五色非尋常十字卷中浪花少椰子萍實皆僉荒耒耜  
經與齊民術此事久書於左方一般更有西洋種剖之如乳傾  
壺漿子面有紋細於髮蒼顏鳥篆爭微茫雨後纍纍歲豐稔扛  
來送與山薑嘗日正卓午縱饞口撐拄蟬腹兼龜腸面上堆塵  
苦炎熱御風濺齒生清涼似與高士共晨夕紅泉綠樹心徜徉  
明年我亦學老圃犁鋤自操身手彊與君入山稱瓜隱徒駭水  
上歌滄浪

和馮大木舍人過雲莊

蕭惟豫

重閉柴門長綠苔黃鸝頻叫不曾開樓頭望見春谿畔客坐牛車款款來

題杏村讀書圖為謝員外方山

國朝戶部侍郎

田雯子繪

鬲津之水流潺湲蛟龍抱珠藏黑淵兩岸杏花一萬樹天風破破生春烟絲絲寒食跳珠兩片片波面臙脂錢土牆茅屋插數椽謝客讀書三十年青蒲白鷗相映帶花鬚蝶粉日裏纏身如蠹魚穿其穴龍骨樞具牀頭懸何不拂袖思歸田輸我山薑窗下眠南村老人詩百篇與君細論長河邊今見此圖一流連為此圖者摹巨然

十二連城歌

田雯

連城北十二城村墟草木皆甲兵舊鬼磨滅三百載天陰雨濕

濟南府志

卷七十

藝文六

德州詩

雯

青燐生當時靖難戎馬作旌旗斜掩安陵郭五十萬師自南來方山之麓捲秋箠燕雲黑厭金川門齊黃二子徒紛紛濟上猶傳鐵太守白溝空恨李將軍衰柳殘陽長河古鴉陣障天不可數薔花豆葉爭秋風平蕪逆落戰場土

移居尊水園祭廬南村先生并序

田雯

杏花碎錦甲第空擬金張燕子烏衣風流徒稱王謝春來秋去短牆喬木誰家物換星移滄海桑田無恙所以他人入室每興慨於唐風若夫一枝可棲更寓言於莊叟維茲南村先生尊水園者門臨晉井圃接荒城徑則有三應似蔣生之築柳何妨五真如陶令之栽竹屋紙窗酒痕歷歷青鞋布襪詩思泠泠取杜名亭祀五郎於家奧命胥鈔句見子美於羹牆何殊成都橋邊



住東屯而收稻不啻穎昌村裏坐桑下以受風久矣人琴俱忘  
悲哉墓木已拱爲某所有轉授於余於是啟戶登堂焚香設座  
擔書而入老僕操籥頻來翦紙以招先生吟魂不遠但愧潭潭  
華屋解嘲錯比楊雄稍喜垂垂官梅東閣堪畱何遜然而人非  
詹尹頻語卜居設使君作伯通亦須賃廡昔子山江陵客舍乃  
宋玉之故廬右丞輞口山莊實延清之舊宅此富兒俗子未許  
託此數椽而明月清風常若懸其一榻也况聞蔡邕授羣書於  
王粲謝朓割半壇於江郎往往傳之其人後曰述爲盛事豈特  
盧敖化去存市塵之一區田舍歸來賦小山之叢桂已哉莫澆  
白墮祭告紫房齋署曰盧亭仍名杜凡有半弓隙地亟令栽花  
何少二頃秫田儘堪釀酒南榮北牖馴鶴階前東柯西枝送鴻

濟南府志

卷七十一

藝文六

德州詩

吳

天際伶白吾友濁賢清聖堆塵劉項詞人垓下大風衝口將書  
抵塞三閒屋願追問字之班用酒消融萬古愁聊效執鞭之慕  
二百年來無作者廣川今見一先生若教白監涪翁在鳳隨弦膠  
有定評

草屋三閒子美亭先生醉臥不曾醒空園竹柏多搖落九點齊山  
未了青

前輩江南錢受之苦心箋注少陵詩虞山德水稱知已畫扇齋中  
對酒時

三十年前公便死閒庭風月幾經春南村若有先生在小子當爲  
灑掃人

過山薑村感賦

國朝刑部郎中 謝重輝 于仞

里社重過似隔生尋君去歲是清明曾攜巨壺城中酒共坐小車  
溪上行買得鱸鮓供晚飯畱觀圖畫到殘更柳花今日無人掃猶  
當龐公不出迎

喜阮亭先生攜孫鄒下榻西堂

謝重輝

簷鶻連朝聒敝廬故人小住慰窮居白頭兄弟身無恙繞膝孫枝  
玉不如把酒倦談當世務挑燈喜勘已殘書年來廢學唯疎放此  
日逢君重起予

阮亭先生再畱西堂

謝重輝

柴荆噪簷鶻驚我曲肱眠好客來三徑懷人逾二年爐香生午寂  
亭樹吐新妍往日畱君榻相期尚未懸

陵州詞

國朝中書舍人馮廷樾大木

濟南府志

卷七十

藝文六

德州詩

七

東風寒食紙錢飛祭罷墻閒已落暉經過陳公堤畔路杏花斜壓

帽檐歸

吾州陳公堤內杏花最盛花開日  
爛漫如錦水災後無復舊觀矣

桃花水漲御河濬手挽長竿下釣綸細柳穿魚盈尺大離離三十

六金鱗

長河鯉魚味最鮮肥州城外馬家迴瀆  
一段產魚尤美以鱗翅黃金色爲辨

柴市東頭古道場競春兒女競焚香茶房酒肆蘆棚下高唱吳歛

賽藥王

笠子蒙頭傍午行壓肩竹擔繫長繩沿街銅斗聲聲喚小戶兒童

解賣水

沿邨柘火夜青熒星斗羅羅天宇澄手把殘荷敲野岸更深打疊

放河燈

月明時節照千家齊買中秋五色瓜晚向廣寒修故事銀刀巧樣



劈蓮花

麴米看生缸面開黃雞秋老作莫材詞場酒戶人多少都辦紅牋

速客來詩鈔注吾州自羅酒著名家傳釀法十月酒熟必宴親友名曰嘗新酒遊宦三十餘年舊雨零落於盡識先生此詩

為恨然久之

屋裏丹禽啄粟忙風情最是少年狂深屏翰日絨帷卷隊隊黃鸝

出錦囊

九日同蕭韓坡田雨來集程二如園亭

馮廷樾

一園殘雨菊花秋選勝還成九日遊高樹全遮亭四面小山恰在

舍東頭紅闌曲沼開新徑白帽單衫上舊樓記得昔年豪飲地重

來尚喜故人留

和田子益招遊慈氏寺

馮廷樾

濟南府志

卷七十

藝文六

德州詩

哭

晏坐苦寂寥晨起整巾履言尋東林遊初渡西城水黃帽始停楫

緇衣忽倒屣飛閣望崢嶸修徑轉迤邐荒鐘宿雨餘殘碑夕陽裏

龍象終古存浩劫何代始居近遠公房客來柴桑里人寂佛火青

院冷苔花紫齋鉢供落蘇雪飯抄雲子勝會託禪叢幽賞悅元理

行歸不二門永契無言旨

漁洋先生過謝公邨贈方山比部次韻

國朝大理寺少卿

孫勳

義山

蒼涼九龍口寂歷謝公邨春水空浮岸風帆不到門誰令問津客

聞訪武陵源相見頭俱白心期那復論

杏邨東樓有感

國朝戶部郎中

田肇

念始

春風料峭晝冥冥廢砌朱欄積雨零極目東樓惆悵處垂楊亦改

舊時青

東方朔先生祠

國朝堂邑教諭田霖子益

四十四萬言策身博主眷詎諧術良工故弄義非謾大隱金馬門  
流風猶可緬我生雖異時居不隔鄉縣走馬訪遺踪厭次花夾堰  
亂篁翠陰合雙柏黃鳥轉溪流最蕭瑟繞祠聲湔湔有兩細君  
肩坐據一案祠內設二細君像

先生冠道巾目奪秋水粲曾聞侏儒給設難代客撰滑稽乃其餘  
王議更足羨遂令賣珠兒氣奪宣室宴覲面想芳躅掇績羞野薦  
天息未能歸初月林杪見

菊花

田霖

陵州多菊由吾始同好新添十數家誰謂潛夫無妙用能移風尚

濟南府志

卷七十

藝文六

德州詩

吳

到黃花

隱逸高名物莫攀誰能竊比肖秋顏冷香味與寒香近品在梅花

伯仲閒

秋色無多斗室存旁畱餘地好開尊夜燒紅蠟看花影粉壁還添  
數十盆

秋風不日別香城幽事須當趁便行干朵黃花一尊酒燒燈夜半

祀淵明

題尊水園集後

國朝金華知府趙善慶怡齋

錢盧竝駕幾春秋一臥南村到白頭人似陶潛去彭澤詩如杜甫  
發秦州文章難塞醇儒口氣節能消志士愁五十年來方論定虞

山德水竟誰優



葛巾筇杖野人裝老病歸休正不妨食藥久諧薑桂辣裁衣新試  
芰荷香平原嶺畔山薑舍馬頰河邊侍讀莊蠟屐不須尋五嶽願  
從二老家鄉

盧抱孫以新詩見示兼惠家釀次日以詩報謝

國朝舉人

魏丕承

憲武

聞叩柴扉手自開詩筒相竝酒樽來筆凝春水多新思色泛黃花  
是舊醅未飲先哦香在口徐吟還酌浪浮杯報章莫怪今何晚昨  
夜闌邊對月裁

董子讀書臺

國朝魚臺縣教諭

葉正夏

仲長

登眺徒深弔古情漢庭未解重儒生大才止作膠西相遺址今鄰

濟南府志

卷七

藝文六

德州詩

辛

厭次城衰柳數行湖水碧亂帆幾點夕陽明須知不是投閒地臺  
畔應聞誦讀聲

夏日過濯錦園

國朝鑾儀衛經歷

田中儀

无咎

為愛園林好尋幽趁晚晴華亭餘舊跡濯錦自佳名曲徑莓苔滑  
疎籬草樹清到來瞻詠駿亭名俯仰有餘情

更上驚羣樹披襟坐夕風草分三徑綠豆蔓一籬紅泥飲金樽滿  
清吟白紵工晚涼新月上還唱玉璫瓏

同趙愼菴盧抱孫過柳湖書院

國朝刑部員外

羅

植

階蘭

會記當年此地無亭臺高下繞清湖長河轉處帆爭落碧樹陰中  
鳥亂呼官長盞簪頻載酒名流錯履競操觚只今衰颯橋邊柳合  
抱還堪入畫圖

慈氏寺

國子監學正 田同之 硯思

一帶長河水灣環古佛踪磬聲浮遠岸帆影上孤松落葉殘僧跡  
西風下院鐘前塵無復挽空憶妙高峰

雅雨先生石芝園看菊

州人 田徵輿 清漪

解組歸來又一秋陶公籬畔自優游不煩絳雪回青鬢只稱黃花  
對白頭霜後盍盆勞位置春前萌蘖費搜求孤吟獨酌饒清興甘  
谷時還許我畱

劍塚

國朝諸生 李 鑑 浙雲

此地非豐城劍氣冲牛斗神物豈終藏不輕假人手張雷能識不  
能用畱待茫茫千載後

平原有懷禱處士

國朝連城知縣 李有基 東園

濟南府志

卷七十

藝文六

德州詩

三

日暮平原北寒色動廣野迴颺振林薄落葉漫空下荒村見人家  
倦客此駐馬新月乍微茫依稀照屋瓦鸚鵡去不歸人閒雨兒寡  
何處尋狂踪流傳半真假宵深狐狸鳴獨坐引杯斝

蘇雨次生石芝園看菊

田徵輿

西風下院鐘前塵無復挽空憶妙高峰

一帶長河水灣環古佛踪磬聲浮遠岸帆影上孤松落葉殘僧跡

慈氏寺

國子監學正 田同之 硯思



德平

贈明祭酒山賓

梁昭明太子蕭統德施

時山賓築室不就遣使齋金并貽此詩

平仲古稱奇夷齊昔擅美令則挺伊賢東齊固多士築室非道傍  
置宅歸仁里庚桑方有繫原生今易擬必來三徑人將招五經士

經鸚鵡洲弔禰衡

唐翰林供奉李太白

魏帝營入極蟻視一禰衡黃祖斗筭人殺之受惡名吳江賦鸚鵡  
落筆超羣英鏘鏘振金玉句句欲飛鳴鸞鳴啄孤鳳子春傷我情  
五嶽起方寸隱然詎可平才高竟何施穿識冒天刑至今勞洲上  
蘭蕙不忍生

酬孟雲卿

唐右拾遺杜甫襄陽

濟南府志

卷七十

藝文六

德平詩

五

樂極傷頭白更長愛燭紅相逢雖袞袞告別莫匆匆但恐天河落  
盍辭酒盞空明朝牽世務揮淚各西東

寄裴仲謨

宋德平監鎮黃庭堅山谷

交遊三十年義等親骨肉風雨漂我巢公亦未有屋寄聲空問安  
足音到空谷我家輦轂下薪桂炊白玉在官與影俱衣綻髮曲局  
天機行日月春事勤草木念公篤行李野飯中道宿驚沙卷旂旗  
烏尾城角謾騷騷家治具夫子且歸沐作書寄後乘爲我遣臣僕  
起居太夫人并問相與睦

寄黃幾復

原注乙丑年德平鎮作

黃庭堅

我居北海君南海寄雁傳書謝不能桃李春風一杯酒江湖夜雨  
十年燈持家但有四立壁治病不斬三折肱想得讀書頭已白隔

溪猿哭瘴溪藤

山谷自跋云幾復在廣州四會予在德州德平鎮皆海濱也

次韻幾復和答所寄

黃庭堅

海南海北夢不到會合乃非人力能地福未堪長袖舞夜寒空對  
短檠燈相看鬢髮時窺鏡曾共詩書更曲肱作箇生涯終未是故  
山松長到天藤

山谷自跋云丁卯幾復至吏部改官追和予乙丑在德平所寄

詩也

平原宴坐二首

黃庭堅

老坐儒生不解事江南有田歸荷鋤北窗風來舉書業猶自勸人  
勤讀書

濟南府志

卷七十

藝文六

德平詩

三

黃落委庭觀九州蟲聲日夜戒衣裘金錢滿地無人費一斛明珠  
惹秋

奉送劉君昆仲

黃庭堅

游子歸心日夜流南陔香草可畏羞平原曉雨半槐夏汾上午風  
初麥秋

山谷詩外集注云劉君兄弟當自德州歸晉故稱平原汾上時  
山谷在德州德平也

葛少宰山房

明河南按察使李攀龍 歷城

少宰山房北海隈千林窈窕白雲開侍窗河勢鉤盤出拂檻秋陰  
碣石來魯國諸生紛授易漢庭多士滿題才臨流重憶乘槎客濯  
足還登萬里臺



輓葛與川先生

明東閣大學士于慎行東阿

少年聲價省郎遊一節水霜到白頭降嶽神生星應昂濟川功就  
壑藏舟朱門舊第庭槐冷落日新阡隴樹秋猶有故時雙鶴在月  
寒華表不勝愁

葛中翰川上草堂二首

明邑令鄭材安肅

我聞杜陵老浣花溪裏流風好又聞柴桑翁悠然盤桓松菊中一  
邱一壑有餘美萬事萬物徒爲爾枕流漱石襟期清弄月吟風懷  
抱喜此意千秋誰與同此境千年誰得似盡道逍遙大雅壇今之  
平昌葛天民葛君別業寄城隈葛君高齋傍溪開人世喧器都不  
染疑從方壺接蓬萊白雲漠漠環樓閣碧草芃芃拂釣臺寶劍瑤  
琴相輝映左圖右史日徘徊况復桃李茂結陰况復松柏茂成林

濟南府志

卷七

藝文六

德平詩

五

梧桐月落幽人夢風雨寒生楚客襟幽人楚客偏憐此青門白社  
自招尋太公磻溪地謝傳東山岑卷舒初無意行藏亦何心棲遲  
牛酒且爲樂匡坐還能梁甫吟

主人自是柴桑老寤寐但知邱壑好朝辭薇館暮山翁無日不在  
烟霞中人閒不識金馬美鳳池染翰聊爾爾挂冠東上學逢萌著  
書西來逢尹喜徐徐于于誰得似古有無懷葛天氏誅茆結屋傍  
城隈水北原南一徑開迤邐清流引盤鬲籠蔥佳氣接蓬萊下俯  
深沼上臨高臺川雲摩盪魚鳥徘徊恍疑蘭亭之曲山之陰飛羽  
觴兮坐深林傾千日之美酒滌浮生之煩襟有客有客兮結伴而  
相尋拂塵當風簷天花落雲岑舉深杯兮酌明月撫無絃兮彈素  
心曲終歸去不知處倚歌和作山居吟

朱園宴集待月

明刑部尚書 葛守禮 與川

綺筵開別苑亭樹喜陰森花氣時通酒蟾光半透林泛觴餘灌水  
聞樂散棲禽洛社還金谷何人覓賞音

川上草堂新成

明武英殿中書舍人 葛彙生 進伯

靈帆昨曰下燕京康鹿追隨無事輕霽月光風成小隱青山白石  
結新盟虛名已被當年誤華髮何堪此日生幸有未荒三徑在擬  
將心跡付雙清

夏日川上草堂觀荷

明舉人 朱 伸 邑人

經時睽勝地乘興一相過益覺烟波靜還看紅翠多彈碁思爛石  
拚醉試傾荷豪飲歡方劇移尊藉綠莎

遊月牙池

國朝邑令 季 靜 泰興

濟南府志

卷七十

藝文六

德平詩

五

湛湛一泓水猶同闕月看一鈎渾是魄半壁已成殘波逐昆明沫  
光分太液寒停驂羈宦况回首憶長安



平原

答兄平原內史二首

晉大將軍司馬陸

雲 吳郡

悠悠塗可極別促怨會長銜思戀行邁興言在臨觴南津有絕濟  
北渚無河梁神往同逝感形留悲參商衡軌若殊迹牽牛非服箱  
行矣怨路長怒焉傷別促指途悲有餘臨觴歡不足我若西流水

子如東峙嶽慷慨逝言感徘徊居情有安行攜手俱契闊成腓服

送顏平原太守

唐嘉州刺史時官舍人

岑

南陽

天寶十二年春有詔補尚書十數公為郡守上親賦詩宴羣公

於蓬萊前殿仍賜以繪帛寵餞加等參美顏公是行為寵別章

句

天子念黎庶詔書換諸侯仙郎授剖符華省輟分憂置酒會前殿

濟南府志

卷七十

藝文六

平原

美

賜錢若山邨天章降三光聖澤該九州吾兄鎮河朔拜命宣皇猷

駟馬辭國門一星東北流夏雲照銀甲署雨隨行轡赤筆仍在篋

鑪香惹衣裘此地鄰東溟孤城弔滄州海風掣金戟導吏呼鳴騶

郊原北連燕剽劫風未休魚鹽溢里巷桑柘盈田疇為郡豈淹旬

政成應未秋易俗去猛虎化人似馴鷗蒼生應望君黃霸宜久留

平原君

明戶部侍郎高

啟 長洲

朝歌長夜館娃春總為妖姬戮諫臣何事邯鄲貴公子能因覽者

殺佳人

和徐子與平原道中值雪二首

明河南按察使

李攀龍

歷城

九河風色報塞惟道入平原雨雪遲天欲竝傳梁苑賦君今試和

鄆中詞憑陵尺素光猶動縹緲扁舟典可知况值如澗春酒蒸好

來投轄未須疑

平原日映北風斜飛雪偏隨刺史車明月更投公子邑金門何處  
侍臣家綈袍忽自生春色彩翰紛然擁落花為報袁安高臥起齊  
宮上客有田巴

平原道中答李子鱗送別韻

明周府長史許邦才歷城

楊花滿路傷人飛正是傷離長淚揮三日計程三百里夜來魂夢  
尚依依

郵亭夢覺正三更窗上花陰轉月明徙倚曉鐘傳遠寺更無人見  
苦離情

送王理卿歸平原

明四溟山人謝榛臨清

春來三日君即歸長安陌上車塵飛滄洲有約自知晚白鴈多情

濟南府志

卷七十

藝文六

平原詩

七

相見稀千里還應嘆萍梗一樽誰更采芳菲平原舊侶論心處肯  
向天邊望少微

題魯公祠

明山東按察僉事劉時敦內江

廟貌雄千載精英凜若生古今真鐵漢天地舊長城數語冰霜烈  
孤忠日月明觀風經此過瞻拜不勝情

謁顏魯公祠

明武德兵備道李三才臨潼

瓦敗垣頽戶欲欹土人傳是魯公祠空堦古木依殘草絕世英風  
寄斷碑天子當年驚姓字吾曹今日拜光儀往來車馬紛無數誰  
采青蘋薦酒厄

三義祠

明德州知州邢奎黃梅

三義祠堂鎖暮雲庭前柏子落紛紛桃園不改青山在漢鼎輕將



赤手分竟日，攔風來寢殿。一春苔雨繡碑文，寥天何處秋聲起。疑有金戈靜夜聞。

雲龍書院次翰林李長春韻

明戶部郎中易倣之黃岡

風送旌旄捲曙雲，臨歧攜手惜離分。河橋柳色經秋見，驛路驪歌帶月聞。黃菊香浮金谷酒，青藜影拂石渠文。三台咫尺頻凝睇，一夜清光如對君。

王鳳孝行詩

明宜興知縣谷繼宗歷城

結草爲廬枕墓棲，三年曠野伴烏啼。聞今茂宰嘉純孝，欲薦王褒荷紫泥。

甲平原君

明邑令周汝觀四明

公子翩翩有令名，時危慷慨寄專城。嶠函飛騎朝臨塞，梁楚徵書

濟南府志

卷七

藝文六平原詩

庚

夜勒兵臥內符來，悲晉鄙囊中穎出詭。毛生千秋俠氣空，遺壘甲古行歌無限情。

謁劉先主廟

周汝觀

炎鼎東看王氣摧，年來帝胄逐塵埃。神龍未借風雲便，鞍馬徒驚歲月催。睥睨孤城烽火急，縱橫列郡鼓鼙哀。劍門猶是偏安業，落日中原首重回。

清明同趙憲伯霍侍御遊繹幕園

明陽曲知高知止明甫

共策蹄輪一暫遊，踏青西郭爲淹留。百花深處聽黃鳥，五柳陰中繫紫驢。詩句能描林野趣，酒杯可散寂岑愁。華堂珍重多清景，幾度相看醉未休。

昂邑侯禱雨立沛喜而成詩

明兵部尚書左董訥黔菴都御史

恩波幾載徧荒城步禱辛勤豈爲名水在心頭隨地是雲從腳下  
向天生龍翻滄海羣珠落樹帶飛泉萬瀨鳴老子茅簷偏踊躍也  
同田父說昇平

平原署中古槐歌

國朝兵部侍郎貴州巡撫曹申吉安邱

亭畔老槐蒼然立凌霄那許烏鴉集空庭日夜響長風突兀不動  
山與同百年古驛閱人久代謝榮枯世常有此樹婆娑生意新高  
柯不改舊時春牆外一株亦夭矯菁蔥相對同昏曉錯落虬枝如  
弟兄勢將連劈踏空行強者顧盼低者揖中宵月下晴烟濕村高  
磊落誰得知胡爲棄爾梁棟姿

平原縣作

國朝翰林院檢討陳維崧宜興

戰國六雄蕩天紀賢豪獨數四公子拚將七尺交博徒詎惜千金

濟南府志

卷七

藝文六

平原詩

五

酬死士紛紛輕倏走不休一生所急惟恩讐虞卿樓緩皆上客惟  
恨未從毛薛游邯鄲城南古都市衫服叢臺爭跼屐當時惟讓信  
陵君黃歇田文安足齒古道悠悠事已陳撫時弔古一沾中柳線  
吹盡征衫破那得餘絲繡此人

平原

國朝刑部尚書徐乾學崑山

多病難乘款段遊巾車此日得夷猶揮鞭塵起如迴雪卷幔風來  
比泛舟青靄近通溟渤道黃河舊斷隔津流茫茫百感誰能遣欲  
向平原問督郵

康熙甲子冬十月六日恭遇

聖駕東巡經過平原

臣琦蒙

召對



命講中庸子懷明德一節畢

天顏甚悅獎諭再三且云中庸總是教人

聖學高深非佔畢下士所能闕測臣琦不揣謏陋共紀四章以志不朽

國朝蒙監訓導張琦又韓

六龍東幸上元年駐蹕郟城十月天供頓無煩閭左力行廚盡用大官

錢權迎鶴髮遮馳道遙見霓旌繞瑞烟自分腐儒甘牖下誰知得

近

至尊前其一

傳呼侍衛盡衣黃

特勅恩隨鷓鴣驚行止輦温温親

帝語問爾子孫幾人皆進學否講筵款款惹天香風清

濟南府志

卷七十

藝文六 平原詩

卒

黼座雲裘靜日照旌門豹尾光

聖學淵源問咫尺獻詩未敢效襄陽其二

清問時勤願歲豐民生國計本無窮問東省年歲豐歉蠲租異數頒三輔賜復

新恩澤二東詔全蠲丁徭鞞鐸常懸天下濟芻蕘徧採地同風酬知愧

乏齊賢策白腹何堪珍賚蒙賜嫗茶克食其三

清徹鐘聲唱曉初龍旗曲蓋映

聽鴻臚

鸞輿千官日擁寒林外萬騎雲從曠野餘草莽趨踰隨虎拜幄宮引贊

宸遊攬勝平原地內侍頒還縣志書先是上問平原有何古蹟命將縣志進呈其四

駕至平原縣七里鋪特頒

康熙己巳正月十四日

諭旨蠲免東省明年正賦恭紀二首

國朝大學士 陳元龍 海寧

青齊復見度

金輿省俗重煩問里閭共慶民風安作息還傳

天語沛蠲除推恩宥待回鑾日草詔頻催下馬餘聞

命濡毫先拜舞從今汗簡不勝書

其一

帝咨民瘼厪如傷欲令崇朝愷澤湧中使飛馳催進草侍臣阿凍未成

章周廬盡處燒官燭

行殿歸遲染御香爲待嚴程須早發夜深不敢解衣裳

其二

駐蹕平原召扈從翰林揆叙宋大業查昇汪士鉉陳壯履勵廷儀暨元

龍七人至

行宮內微

濟南府志

卷七十

藝文六

平原詩

七

御膳

賜食畢宣至

御前

命各書綾字一幅

上親灑宸翰書雲飛北闕輕陰散雨歇南山積翠來諸臣環立瞻仰

上指示書學奧妙各問年齒良久始出遭逢異數恭紀五言排律十二

韻

陳元龍

河工新底績善後厪堯心衡水馳青馭平原駐碧潯年占千庾象

瑞應六龍臨農慶看膚合

皇情惜寸陰披圖探學海召對寵詞林

賜膳登瑤席含毫聽



玉音

天章文苑寶

聖訓侍臣箴垂露窮源遠臨池妙理深健疆歌

萬壽蒙昧敢微忱扈從依霄漢殊榮邁古今聯慚簪筆久

恩念鬢霜侵蒲柳辜高厚驚心淚不禁

過平原南樓

國朝通政司叅議

孫勤

德州

高山空峙水空流欲奏清音恨未休白髮門生報何日蕭蕭風雨

過南樓

平原懷古

國朝主事 朱

綢 歷城

平原賓客散如塵往迹低回迹高津公子高懷千古絕夕陽愁對

賣漿人

濟南府志

卷七十一

藝文六

平原詩

奎

同蕭侍讀韓坡遊平原董鈞菴園亭二首

國朝拔貢生 田

霖 德州

共赴招邀路漸賒平原嶺上日西斜遙看杏樹千章綠不讓當年

董奉家

水漲平橋舟繫門風光澹蕩變朝昏羣鷗弄清波裏酷似江南

把釣村

癸未正月二十二日迎

駕恭紀五首

國朝口北道參議

董思凝 養齋

遙望

龍顏漸儼然舉頭繡繖繚祥烟不愁日與長安遠此地重瞻尺五天

咫尺

其一

天威大道旁最慙草野失趨踰誰知分外承  
恩顧不忘當年執戟郎 其二

竹屋茅檐寄此身門依村曲對嶙峋從今草木皆生色親見  
鑿與駐水濱 其三

白柄長鐮手自攜年來小摘滿秋畦  
至尊特地容清供要識田家百瓮齋 其四

雲漢

宸章迥不同小臣拜

賜草堂中城南父老驚相語夜有榮光上燭空 其五

聖駕東巡經平原西境比返

蹕將至平原前三日

濟南府志

卷七十

藝文六

平原詩

奎

頒賜臣懷祖內緞一端荷包二枚白金二錠謝

恩恭紀

國朝平原知縣臣

黃懷祖

溧陽

聖心勤繼序清問切觀民東指三齊境時巡二月更平原承

幸早行幄近光親暫駐龍旂馭旋過馬煩津日遲舒媚色風輒絕纖塵

到處隆儀舉無邊渥澤勻歡方騰萬井

賜更及微臣璀璨天孫錦精良內府銀荷囊雙美稱墨綬一朝新儼示

陶鎔範常期佩服循鑪金滋踴躍襪線愧縫紉何以酬

高厚宏推撫字仁

讀鬲津草堂詩

國朝大學生

董

訪 季問

心如水不受塵氛語吐牋頭欲化雲自笑詩成寒且瘦或如郊島

不如君

終



